

# Orationes Dicendae

*Ad Amictum dum ponitur super caput, dicat:*

**I**mpone, Domine, capiti meo galeam salutis, ad expugnandos diabolicos incersus.

*Ad Albam, cum ea induitur:*

**D**ealba me, Domine, et munda cor meum, ut in sanguine Agni dealbatus, gaudiis perfruar sempiternis

*Ad Cingulum, dum se cingit:*

**P**ræcinge me, Domine, cingulo puritatis, et exstingue in lumbis meis humorem libidinis: ut maneat in me virtus continentiae et castitatis.

*Ad Manipulum, dum imponitur brachio sinistro:*

**M**erear, Domine, portare manipulum fletus et doloris: ut cum exultatione recipiam mercedem laboris.

*Stolam, dum imponitur collo:*

**R**edde mihi, Domine stolam immortalitatis, quam perdididi in praevariatione primi parentis: et quamvis indignus accedo ad tuum sacrum mysterium, merear tamen gaudium sempiternum.

*Ad Casulum cum assumitur:*

**D**omine, qui dixisti: Jugum meum suave est, et onus meum leve: fac, ut istud portare sic valeam, quod consequar tuam gratiam. Amen.